

立法會CB(2)1298/18-19(09)號文件

咁多位你哋好 我係香港急症護理學院嘅代表梁先生，我今日呢係代表我哋學院，提出一啲對電子煙嘅睇法。

相信大家都唔會反對全面禁止 k 仔，海洛英等毒品流入香港市面，大家更加唔希望見到我哋四周圍嘅鄰居都係食 k 仔或者海洛英。我哋有咁樣睇法，因為我哋知道，呢啲咁嘅毒品對我哋嘅身體，我哋嘅社會，甚至我哋嘅下一代 都係有負面嘅影響。

相信在座咁多位，都唔希望自己嘅仔仔女女吸食 k 仔或者海洛英，因為大家都唔想我哋嘅下一代，畀啲有害嘅物品影響佢哋成長。

同樣道理，好多科學研究都證實電子煙對身體確實有不良的影響其中包括世界衛生組織(WHO)，我亦都相信在座咁多位，唔會鼓勵自己嘅小朋友去吸食電子煙，因為大家都知道電子煙危害健康，唔想自己的下一代俾荼毒。

年輕人心智未成熟，好容易被朋輩嘅影響去嘗試唔同嘅嘢，包括明知係有害嘅毒品。而現在嘅電子煙包裝成看似無害，並且係一個時尚嘅產品，試問一個心智未成熟嘅小朋友，點樣拒絕朋輩嘅引誘，脅迫。

所以如果想停止電子煙毒害我們下一代，我哋需要全面禁止電子煙。引用中國成語，“防微杜漸”在電子煙萌芽時已經將其除去。

我哋香港急症護理學院贊成全港全面禁止電子煙。

From

Hong Kong College of Emergency Nursing

Leung Chun Pong

